

## basic education

Department:
Basic Education
REPUBLIC OF SOUTH AFRICA

# NATIONAL SENIOR CERTIFICATE

**KREITI YA 12** 

SEPEDI LELEME LA GAE (HL) (BRAILLE)

**LEPHEPHE LA BOBEDI (P2)** 

**DIBATSELA 2023** 

**TLHAHLO YA GO SWAYA** 

**MEPUTSO: 80** 

Palomoka ya matlakala a tihahlo ya go swaya ke 26.

## DITŠHUPETŠO TŠA GO SWAYA

- Ge molekwa a arabile dipotšišo tše di fetago palo yeo e nyakegago, swaya ya mathomo fela (Molekwa ga a swanela go araba potšišo ye telele le ye kopana go tšwa pukung e tee).
- Karolong ya A, ge molekwa a arabile dipotšišo tše nne ka moka mo diretong tšeo di bonwego, swaya tše pedi tša mathomo.
- Go dikarolo tša B le C, ge molekwa a arabile dipotšišo tše kopana tše pedi goba tše telele tše pedi, swaya ya mathomo o hlokomologe ya bobedi. Ge molekwa a arabile dipotšišo ka moka tše nne, swaya fela ya pele mo karolong ye nngwe le ye nngwe ge e le gore go arabilwe potšišo ye kopana le ye telele.
- Ge molekwa a file dikarabo tše pedi, moo e lego gore ya mathomo e fošagetše mola ya bobedi e nepagetše, swaya ya mathomo gomme o hlokomologe ya bobedi.
- Ge dikarabo di sa nomorwa ka tshwanelo, swaya go ya ka tlhahlo ya go swaya.
- Ge mopeleto wo o fošagetšego o ama tlhalošo, swaya phošo. Ge o sa ame tlhalošo, gona mo fe moputso.
- Potšišo ye telele: Ge karabo ya potšišo ye telele e le ka tlase ga botelele bjo bo nyakegago, se mo otle ka ge a šetše a ikotlile. Ge e le ye telele kudu, lekola fela mantšu ao e ka bago a 50 o hlokomologe taodišo yeo e šetšego fela o bale thumo.
- Dipotšišo tše kopana: Ge molekwa a sa šomiše ditsebjana moo a kgopetšwego go tsopola, se mo otle.
- Mabapi le dipotsisopulego, ga go meputso ye e tlogo abja go dikarabo tsa Ee/Aowa goba Dumela/Go se dumele. Meputso e tlo fiwa fela go lebaka le le fiwago.
- Ga go meputso ye e tlogo abja go dikarabo tša NNETE/MAAKA goba NTLHA/KGOPOLO. Meputso e tlo fiwa fela go lebaka le le fiwago.

**KAROLO YA A: THETO** 

## MONTSHEPETŠABOŠEGO - M Mamabolo

POTŠIŠO YA 1

'NTLEMOLLENG' - PM Mashilo

#### Mohlala wa karabo:

#### **Teori**

Sonete ke sereto se se bopilwego ka methalotheto ye 14 yeo e nago le lenaneo la go ikgetha la morumokwano. Re na le mehuta ye mebedi ya sonete, e lego sonete ya Seisemane (ya *Shakespeare*) le sonete ya Setareana.

#### Tirišo

Sereto se ke sonete ya Seisemane.

- Lenaneo la go ikgetha la morumokwano le ka tsela ye: abab cdcd effe gg
- Sereto se se bopilwe ka dikhwatreine tše tharo le khapolete.
- Methalotheto ye 12 ya mathomo (dikhwatreine tše tharo) ke tshwantšho.
  - Ka tshwantšho sereti se tšweletša bothata/mathata.
    - Sereti se godišitšwe ka melao ye methata/se gateletšwe ke batswadi
    - Sereti se be se rutwa tša lapa go fetiša thuto ya bophelo gore se se hlalefe.
    - Sereti se gapeleditšwe go tsena ka gare ga lenyalo le se sa ipshinego ka lona.
- Methalotheto ye 2 ya mafelelo (khapolete) ke tirišo.
  - Ka tirišo sereti se tšweletša tharollo ya bothata.
    - Se kgopela batswadi gore ba se lokolle se ye go iponela tša bophelo (se tšwe ka gare ga lenyalo le)

## Thumo/mafetšo

Sereti se atlegile go tšweletša dinyakwa ka moka tša sonete ya Seisemane.

Sereti se tšweleditše diponagalo ka moka tša mohuta wo wa sereto le ge se šitilwe ke go tšweletša patrone ya morumokwano khwatreineng ya 3, methalothetong ya 10 le 11. Go na le gore se tšweletše morumokwano, se tšweleditše poeletšo (bophelo e boeleditšwe).

[10]

#### **GOBA**

## POTŠIŠO YA 2

## 'O BE O ADIMILWE' - ME Ngake

- 2.1 Go adima
  - Go itlwaetša
  - Go fa. (TŠE PEDI fela)

(2)

- Sereto se se bopilwe ka ditemanatheto tše 7.
  - Temanatheto ye nngwe le ye nngwe e na le methalotheto ye 3.

(2)

- 2.3 Thetosello
  - Seretong se go foka moya wa manyami wo o tlišwago ke mahu a bana ba seretwa.

(2)

- Batho ba swanetše go ithuta go amogela gore bophelo bjo re bo phelago re bo adimilwe.
  - Seretwa se swanetše go amogela gore Pheladi o ile go Modimo go swana le dikgaetšedi tša gagwe tše di hlokofetšego pele ga gagwe.
- (2)

2.5 Balekwa ba tla fa maikutlo a go fapana.

Mohlala:

Maikutlo a kwelobohloko/manyami

 Ke kwela seretwa bohloko/nyamišwa ke ge seretwa se hlokofalelwa ke bana.

(2) [**10**]

## POTŠIŠO YA 3

## 'LE IKGOBOŠETŠANG' – MJ Tauatsoala

- 3.1 Le ipoulelang bapoulegi la fetoga bona nyanye**ng**? Le ikgobošitše le gobogile bogoboga ka a lena maina methepa,
  - Le thankgeditše kgoro va bosešane ka nyefolo pepeneneng,

(1)

- 3.2 Papadišantšu/phane
  - Potšišoretoriki.

(2)

3.3 Sereti se tšweletša kgopolo ya maitshwaro a a sa kgahlišego a makgarebe a lehono.

(1)

- Faroborutho dirope tša go phadima tša makgarebe.
  - Phadima sereti se hlaloša dirope tše dibotse tša go kgahliša tša makgarebe.
  - Tsatsanka sereti se šupa go sepela ka go ikgantšha ga makgarebe.
     (TŠE PEDI fela)

(2)

3.5	kga kga • Se kga	ereti se dirišitše tshwantšhanyo mothalothetong wa 11 go tšweletša opolo ya gore makgarebe a a befelwa boka mpšhe ge batswadi ba ba alema.  Ereti se dirišitše tshwantšhanyo mothalothetong wa 13 go tšweletša opolo ya gore masogana a ka kata makgarebe go swana le ge motho a belela/tanya dinonyana ka lediga/seswai.	(2)
3.6	Mohlala Maikutl • Se	va ba tla fa maikutlo a go fapana. a: lo a manyami reti se nyamišwa ke ka fao makgarebe a itshwerego bošaedi ka gona go se apare ka tshwanelo le go emaema mebileng.	(2) [10]
POTŠIŠ	SO YA 4		
'THEKA	LE A T	HUNYA' – M Mamabolo	
4.1	4.1.1 4.1.2	'Ke tšerwe ke melodi ya makaba'. 'Ke bakwa le badimo'.	(1) (1)
4.2		ereto se se na le methalotheto ye 18. Ethalotheto ke ye mekopana, ya magareng le ye metelele.	(2)
4.3	<ul><li>ma</li><li>Bo</li><li>kgo</li><li>kgo</li><li>kao</li></ul>	emphetakapejana – sereti se dirišitše sebokantšu se go laetša akgarebe a go rata go jabetša ba bangwe.  etšhuputšadigwere – sereti se dirišitše sebokantšu se go tšweletša opolo ya dingaka tša setšo tše sereti se bego se išwa go tšona.  nudušabophelo – sereti se dirišitše sebokantšu se go tšweletša opolo ya gore go rata basadi ga sona go se tsentšhitše malwetši a a go se iša lehung.  ŠE PEDI fela)	(2)
4.4	<ul><li>Kg</li><li>e l</li></ul>	halo/Entšampamente. opolo ye e lego mothalothetong wa 13 ya go re dihlare tša dingaka tše ego kgale se di nwa ga di sa mo fodiša e tšwelapele mothalothetong i 14 gore se kwa bohloko dinako ka moka.	(2)
4.5	Mohlala	va ba tla fa melaetša ya go fapana. a: ba tshephagalele balekane ba bona	

LE

kgaogantšha le mosadi wa sona.

Go se tshephagale ga sereti go se hloletše malwetši le go se

(2) **[10]** 

## POTŠIŠO YA 5

## **SERETO SEO SE SEGO SA BONWA**

## DIRETO TŠA SESOTHO SA LEBOA - DM Kgobe

## 'KRISTE WA AFRIKA-BORWA' - KL Manamela

1414101	_ ,,,,,	THE Managed	
5.1	5.1.1 5.1.2	Ntlwanaswana Myemyelohlweki.	(1) (1)
5.2	ma	emanatheto ya 2: Mokgwa wo Rolihlahla a bego a buša ka wona o akaditše batho. emanatheto ya 3: O lokollotše naga ka go tšweletša diphiri nyanyeng.	(2)
5.3	se • Mo	othalotheto wa 17: 'Afrika e ahlame". Afrika ke naga ga se motho e ka ahlame. Go ahlama motho go laetša makalo. othalotheto wa 18: 'Lefase seledu le itshwere'. Lefase ga se motho ga na seledu le matsogo a go itshwara bjalo ka motho ge a makala.	(4)
5.4	Mohlal Moya v • Bo	va ba tla fa dikarabo tša go fapana. a: va lethabo vetapele, go ba le kgotlelelo le mokgwa wa go buša wa Rolihlahla go abiša batho bjalo ka ge Kriste a thabišitše batho ka go ba lokolla beng.	(2) <b>[10]</b>
		PALOMOKA YA KAROLO YA A:	30

## KAROLO YA B: PADI/DINGWALOTŠHABA

POTŠIŠO YA 6: BADIMO BA BOLETŠE – MJ Mpepele

#### Mohlala wa karabo

## Teori ya thulaganyo

Thulaganyo ke peakanyo ya tatelano ya ditiragalo ka gare ga sengwalo. Diponagalo tša thulaganyo ke tše di latelago: kalotaba, phekgogo, kgolo ya bothata (thulano), sehloa le tlemollo ya lehuto.

## Tirišo

Tshekatshekong ye go ya go lebelelwa kalotaba, phekgogo, sehloa le tlemollo ya lehuto.

#### Kalotaba

Ke mathomo a ditaba tša sengwalo.

Baanegwa, lefelo le nako di tšwelela seripeng se sa thulaganyo.

- Moya go rena wa khutšo.
- Ditiragalo tša sengwalo di thoma ka go tšweletša Ditau bjalo ka molwantšhwa le Komanyi bjalo ka molwantšhi.
- Lefelo la ditiragalo: motse wa Bakone wa Kgoši Tsweke
- Nako ya ditiragalo ke ya segologolo
- Ditiragalo di mabapi le Mohu Tsweke yo a šiilego lentšu la go re Ditau a nyale Thabišo, morwedi wa Kgoši Pilošamadiba.

## Phekgogo

Ke tiragalo ye e hlolago thulano ya mathomo ya sengwalo.

Ditau o ratana le Mpimpi e bile o a mo imiša.

## Sehloa

Ke thulano ya mafelelo ya sengwalo.

 Ditau o thoma go lwala gomme bolwetši bo golela pele le pele mo go bago le kgakanego ya gore kgoši e ile go ba mang motseng wa Bakone.

## Tlemollo ya lehuto

Ke fao bothata bo rarollogago gomme ditaba di boela sekeng.

- Ditau o hlatšišwa diemadirile gomme mafelelong o a fola.
- Setšhaba sa Bakone se dumelelana gore Thabišo o swanelwa ke go dula madulong a gagwe a boMmakgoši.
- Ditau o nyala Thabišo gomme go rena lethabo lapeng la Bakone mola ka go le lengwe Ditau a thoma go nkgelwa ke Nthuše.
- Ditau le Thabiso ba segofatswa ka mafahlana a mosemane le mosetsana.

[25]

#### GOBA

(2)

(1)

(4)

(3)

## POTŠIŠO YA 7: BADIMO BA BOLETŠE - MJ Mpepele

#### **SETSOPOLWA SA A**

7.1 7.1.1 Dikgaetšedi (1)

7.1.2 Barwarre. (1)

## 7.2 Thulanontle

- Ditau o thulana le malome'agwe Kgokolo ge a re a nyale Thabišo gomme yena o a gana.
- Ditau o fapana le mmagwe Komanyi ka ge a ema le malome'agwe gore a nyale Thabišo.
   (E TEE fela)
- 7.3 Balekwa ba tla fa dikarabo tša go fapana.

## Mohlala:

- E re utollela semelo sa Ditau sa go nyatša malome'agwe le mmagwe.
- E tšweletša maikutlo a Ditau a go šišimišega ge go bolelwa ka Thabišo.
- E re utollela maikutlo a Kgokolo a pefelo ka ge Ditau a sa nyake go phethagatša taelo ya badimo.
- Go tšwetša pele tiragalo ya go hloka kwano ga Ditau, Kgokolo le (2) Komanyi.
   (TŠE PEDI fela)
- 7.4 Balekwa ba tla fa dikarabo tša go fapana.

## Mohlala:

Ditau ga se a latela lentšu la mohu tatagwe la gore a nyale Thabišo gomme a se lokelwe ke selo bophelong.

 Diteng tša padi ye di amana le ditaba tša setšo tša bogoši mola le khabara ya puku e laetša monna a apere setšo a letša lepatata go bitša banna kgorong.

- Diteng tša padi ye di diragala tikologong ya segologolo mola le khabara e bontšha lefelo la segologolo mo go tšwelelago monna a letša phalafala.
- Diteng tša padi ye di mabapi le taelo ya badimo ya go re Ditau a nyale Thabišo mola leina la puku e le 'Badimo ba boletše'.
   (TŠE PEDI fela)
- 7.6 Balekwa ba tla fa maikutlo a go fapana.

#### Mohlala:

Maikutlo a manyami

- Ke nyamišwa ke gore Ditau o na le lenyatšo ka ge a gana go latela lentšu la mohu tatagwe.
- Ke nyamišwa ke gore Ditau o iphetošitše seratantepa mme se se dira gore a se theeletše batswadi.

## **SETSOPOLWA SA B**

## 7.7 Ditau

- O thoma le puku a ba a fetša le yona.
- Morero wa puku o theilwe godimo ga gagwe.
- Ditiro tša gagwe di phadima go feta tša baanegwa ka moka.
   (E TEE fela)

(2)

- 7.8 Nthuše o be a belega maseana a feta.
  - Ba boNthuše ba tlabilwe ke leseana le le belegwego ke Nthuše gomme ba romile barongwa go ya go lata Ditau gore a tle a ba bontšhe dimaka tšeo ba di bonago.

(2)

7.9 Balekwa ba tla fa dikarabo tša go fapana.

#### Mohlala:

- Tikologong ya segologolo
- Go buša magoši, mohlala: Kgoši Manamela, Kgoši Pilošamadiba, bj.bj.
- Go tshepilwe dingaka tša setšo, mohlala: Go biditšwe Ngaka Mpotše go alafa Ditau le go fokafoka motse. (E TEE fela)

(2)

7.10 Balekwa ba tla fa diponelopele tša go fapana.

#### Mohlala:

- Ditau a ka fetša a tsenwe ke malwetši a go amana le thobalano.
- Ditau a ka fetša a paletšwe ke lenyalo.
- Ditau a ka fetša a lobile setulo sa bogoši.
- Ditau a ka fetša a hloka seriti.
   (TŠE THARO fela)

7.11 Balekwa ba tla fa dikarabo tša go fapana.

## Mohlala:

## Ke a dumela

- Re le babadi re be re sa letela gore Ditau a ka fetša a amogetše Thabišo gore e be mosadi wa gagwe go ya le ka mo a bego a ngangabetše ka gona.
- Re le babadi re be re sa letela gore Ditau a ka fetsa a tsokame setulo sa bogosi go ya le ka fao a bego a nyatsa taelo ya mohu tatagwe ka gona.

(2)

(3)

[25]

## POTŠIŠO YA 8: KGALAGALO TŠA SETU – MS Machitela

#### Mohlala wa karabo:

## Teori ya thulaganyo

Thulaganyo ke peakanyo ya tatelano ya ditiragalo ka gare ga sengwalo. Diponagalo tša thulaganyo ke tše di latelago: kalotaba, phekgogo, kgolo ya bothata (thulano), sehloa le tlemollo ya lehuto.

#### Tirišo

Tshekatshekong ye go ya go lebelelwa kalotaba, phekgogo, sehloa le tlemollo ya lehuto.

#### Kalotaba

Ke mathomo a ditaba tša sengwalo.

Baanegwa, lefelo le nako di tšwelela seripeng se sa thulaganyo.

- Moya go rena wa kgakanego.
- Ditiragalo tša sengwalo di thoma ka go tšweletša Molatelo bjalo ka molwantšhwa le Mojagobedi bjalo ka molwantšhi.
- Lefelo la ditiragalo: Polokwane, ngakeng.
- Nako ya ditiragalo ke ya sebjalebjale
- Ditiragalo di mabapi le Molatelo yo go utollwago gore o na le bolwetši bja kankere ya molomo wa popelo.

## Phekgogo

Ke tiragalo ye e hlolago thulano ya mathomo ya sengwalo.

 Molatelo o utela monna wa gagwe Mojagobedi gore o na le bolwetši bja kankere ya molomo wa popelo.

#### Sehloa

Ke thulano ya mafelelo ya sengwalo.

Mojagobedi o lwa le dipelo tša go bula faele ya Molatelo ya bolwetši.

## Tlemollo ya lehuto

Ke fao bothata bo rarollogago gomme ditaba di boela sekeng goba di tšea lemanoga le lefsa.

- Mojagobedi o utolla gore mosadi wa gagwe o na le bolwetši bja kankere ya molomo wa popelo.
- Mojagobedi o ikana go thekga mosadi wa gagwe go lwantšha bolwetši bjo bo mo swerego go fihla a fola fodifodi.
- Lapeng la Mojagobedi le Molatelo go ile gwa rena lethabo ka ge dilo di boetše sekeng.
- Mojagobedi le Molatelo ba šegofatšwa ka ngwana wa mosetsana.

[25]

## POTŠIŠO YA 9: KGALAGALO TŠA SETU – MS Machitela

## **SETSOPOLWA SA C**

9.1	9.1.1	Ke molwetši le ngaka ya gagwe.	(1)
			( - /

9.1.2 Ke balekane/Ke monna le mosadi.

(1)

- E ka hlola thulanontle ge Mojagobedi a ka re ke botšiša Molatelo gomme Molatelo a se mo fetole gabotse.
  - E ka hlola thulanogare ge Mojagobedi a ka kgetha go se botšiše Molatelo.

(2)

9.3 Balekwa ba tla fa dikarabo tša go fapana.

#### Mohlala:

- Poledišano e tšweletša semelo sa Molatelo sa go ba le sephiri ka ge a re ga go bohlokwa gore a tle le monna wa gagwe ngakeng.
- Poledišano e utolla maikutlo a Ngaka Devendranath a manyami a go utollela Molatelo gore o na le kankere ya molomo wa popelo.
- Poledišano e tšwetša pele tiragalo ya go ba le sephiri ga Molatelo ka bolwetši bja gagwe.
   (TŠE PEDI fela)

(2)

9.4 Molatelo o utetše monna wa gagwe gore o na le bolwetši bja kankere ya molomo wa popelo gomme sephiri se sa dira gore go se be le phedišano ye botse, lapa la nyaka go phumega/ thubega.

(1)

- 9.5 Balekwa ba tla fa dikarabo tša go fapana. Mohlala:
  - Diteng tša padi ye di amana le sephiri sa Molatelo se se feleditšego se mo lahletše bookelong mola le khabara ya puku e laetša bookelo bjo Molatelo a amogetšwego go bjona le sefatanaga sa balwetši.
  - Diteng tša padi ye di tšweletša tikologo ya sebjalebjale, e lego bookelong bja Kgapane mo Molatelo a šomago ebile a išitšwego gona mohla wola a thutšwe ke sefatanaga mola khabara ya puku e bontšha lefelo le e ka bago moago wa bookelo le sefatanaga sa go rwala balwetši.
  - Diteng tša padi ye di mabapi le setu se se galagalago lapeng la Mojagobedi le Molatelo ka lebaka la sephiri sa bolwetši mola le leina la puku e le 'Kgalagalo tša setu'. (TŠE PEDI fela)

(4)

9.6 Balekwa ba tla fa maikutlo a go fapana.

## Mohlala:

Maikutlo a pefelo

- Ke befedišwa ke gore Molatelo o fihlela monna bolwetši bja gagwe gomme se se feditše se nyaka go thuba lapa la bona.
- Ke befedišwa ke gore go na le gore a botše Mojagobedi ka bolwetši o botša bagwera ba gagwe.

(3)

## **SETSOPOLWA SA D**

## 9.7 Molatelo

- O thoma le puku a ba a fetša le yona.
- Morero wa puku o theilwe godimo ga gagwe.
- Ditiro tša gagwe di phadima go feta tša baanegwa ka moka.
   (E TEE fela)

(2)

- 9.8 Mphapantšhi o be a ile lapeng la Mojagobedi ka nepo ya go mo gokagoketša gore a robale le yena.
  - Mojagobedi o išitše Mphapantšhi gae ka kgang.

(2)

9.9 Balekwa ba tla fa dikarabo tša go fapana.

Mohlala:

Tikologong ya sebjalebjale

- Go boledišanwa ka diselefouno, mohlala: Mojagobedi o be a boledišana le Fiona/Mphapantšhi ka *l-phone*.
- Go sepelwa ka difatanaga, mohlala: Mojagobedi o be a otlela Yaris mola Tumpu a otlela Corsa. (E TEE fela)

(2)

9.10 Balekwa ba tla fa diponelopele tša go fapana.

Mohlala:

- Mojagobedi a ka hlala Molatelo.
- Mojagobedi a ka ngala ka gae.
- Mojagobedi a ka nyala Fiona.

(3)

9.11 Balekwa ba tla fa dikarabo tša go fapana.

Mohlala:

Ke a dumela

- Re le babadi re be re sa letela gore Mojagobedi a ka swarela Molatelo a be a mo thekga bolwetšing.
- Re le babadi re be re sa letela gore Mojagobedi le yena a ka tšwela pele a uta sephiri sa gore o na le ngwana le Fiona ka morago ga go lemoga gore sephiri se nyakile go mo thubela lapa.
- Re le babadi re be re sa letela gore Mojagobedi a ka tšea sephetho sa go katoga Fiona a thekga Molatelo bolwetšing.
   (TŠE PEDI fela)

(2) **[25]** 

## **DINGWALOTŠHABA**

## POTŠIŠO YA 10: *TODI YA BATLOGOLO* – M Makgopa, BMT Makobe LE AP Nkadimeng

### Mohlala wa karabo:

## 10.1 Nonwane: Basadi ba bararo – BMT Makobe

#### Teori

Tikologo ya sengwalo ke lefelo la ditiragalo tša baanegwa ka nako ye e rilego. Go na le tikologo ya sebjalebjale le ya segologolo. Tikologo ya sengwalo e lebane le nako le felo. Ka nako mongwadi o hlatha mehla yeo ditiragalo di diregago go yona (sebjalebjale goba segologolo) mola lefelo e le leo le hlathago mohuta wa tikologo yeo ditiragalo di diregago go lona.

### Tirišo

Tikologo ya 'Basadi ba bararo' ke ya segologolo.

 Baanegwa le ditiro ke tša segologolo mola le bophelo go phelwa bja segologolo.

#### Nako le felo:

Moanegi o tšweletša ditiragalo tšeo di bego di direga nakong le lefelong la bogologolo.

- Go rwalelwa/thokgelwa dikgong thabeng basadi ba be ba eya sethokgweng go rwalela dikgong.
- Batho ba hlapa ka nokeng basadi ba go rwalela dikgong thabeng ge ba boa, ba apotše diaparo ba tsena bodibeng ba hlapa.
- Go iwa dingakeng bana ba mosadi wa go nwelela ka bodibeng a hlapa ba ile go Nkadingala gore a phekole gore mmagobona o llwe ke eng.
- Go na le leruo mosadi wa go nwelela bodibeng o boile a gapa mohlape wa dikgomo le dipudi.

## 10.2 Sereto sa Rolihlahla Madiba Mandela – PT Tjale

## Teori ya molaetša

Molaetša ke thuto ye sereti se ratago go e fihliša go batheeletši/babadi ba sereto.

#### Tirišo

Molaetša wa sereto se ke gore bobe ga bo lefeletšwe ka bobe.

- Nelson Mandela le ge a ile a kwebja mengwaga ye 27, ga se a re go lokollwa a nyaka gore bathobaso ba itefeletše go bathobašweu.
- O ile a hlohleletša tebalelano, poelano le botee go Maafrika-Borwa.

[25]

## NSC – Tlhahlo ya go swaya

## POTŠIŠO YA 11: TODI YA BATLOGOLO - M Makgopa, BMT Makobe LE AP **Nkadimeng**

## **SETSOPOLWA SA E**

## **MMAKGWADI LE LEJAPELA – AP Nkadimeng**

11.1	'Nonwane, nonwane!'	(1)
11.2	<ul> <li>11.2.1 Molwantšhwa – Mmakgwadi</li> <li>11.2.2 Molwantšhi – Lejapela</li> <li>11.2.3 Mohlohleletši – Megabaru.</li> </ul>	(1) (1) (1)
11.3	<ul> <li>Lejapela le hloka kwelobohloko.</li> <li>Lejapela le jele masea a motse ka moka ebile le nyaka go ja bana ba Mmakgwadi.</li> </ul>	(2)
11.4	<ul> <li>Ke nonwanekgogamašego</li> <li>Baanegwa ke batho le phoofolo – Mmakgwadi, kgoši le batho ba motse le Lejapela.</li> </ul>	(2)
11.5	Balekwa ba tla fa diponelopele tša go fapana.  Mohlala:  Mmakgwadi a ka bolaya Lejapela gore a šale a phela ka khutšo.  Mmakgwadi a ka tšhaba lefelong/nageng yeo.	(2)
11.6	<ul> <li>Moanegi o anega ditiragalo tša fao Mmakgwadi a bego a phela bophelo bja go makatša ka gona, ka go diriša motho wa boraro.</li> <li>Moanegi o anega ditiragalo ka go diriša poledišano ya Mmakgwadi le Lejapela ge le botša Mmakgwadi gore le nyaka nama ya motho.</li> </ul>	(2)
11.7	<ul> <li>Balekwa ba tla fa maikutlo a go fapana.</li> <li>Mohlala:</li> <li>Maikutlo a kwelobohloko</li> <li>Ke kwela Mmakgwadi bohloko ka ge a phela le sera seo se ka mo hlagišetšago kotsi nako efe kapa efe.</li> <li>Ke kwela batho ba mo motseng bohloko ka ge Mmakgwadi a ka no fela a ba utswetša bana go fa Lejapela.</li> </ul>	(3)

PALOMOKA YA KAROLO YA B:

## **SETSOPOLWA SA F**

# MAPHUNGUBWE (MOŠATE WA MATHOMO WA TLHABOLOGO, KGWEBO LE BOTHO) – BMT Makobe

11.8	11.8.1 Sekatafola – Sebokantšu 11.8.2 Phuu, šwalala! – Onomatopia.	(2) (2)
11.9	<ul> <li>'Go wena go' e boeleditšwe mathomong a methalotheto.</li> <li>E gatelela kgopolo ya gore tše botse di direga go yona thaba ye.</li> <li>Go tšweletša mošito/morethetho.</li> </ul>	
	(E TEE fela)	(2)
11.10	<ul> <li>Sereto se bopilwe ka methalotheto ye 24.</li> <li>Methalotheto ke ye mekopana, ya magareng le ye metelele.</li> </ul>	(2)
11.11	Balekwa ba tla fa dikarabo tša go fapana. Mohlala: Ke a dumela	
	<ul><li>Se tumiša bobotse le bohlokwa bja Maphungubwe.</li><li>Se tumiša Maphungubwe bjalo ka lefelo la bohwa le go lota tlhago</li></ul>	(2)

25

## KAROLO YA C: PAPADI/TERAMA

## POTŠIŠO YA 12: O IPHIHLETŠENG? – LT Maphoso

#### Mohlala wa karabo

#### Teori

Semelo sa mmapadi se lebane le maitshwaro a gagwe. Wo ke mokgwa wo mmapadi a tšwelelago ka wona papading. Semelo sa mmapadi se lemogwa ka dintlha tše di latelago:

- Ditiro le dipolelo t\u00e3a gagwe
- Babapadi ba bangwe ba reng ka yena.
- Leina la gagwe
- Mongwadi o reng ka yena.

#### Tirišo

Kahlaahlong ye go ya go hlokomelwa ditiro le dipolelo tša gagwe, babapadi ba bangwe ba reng ka Mahunela.

#### Semelo sa Mahunela

## 12.1 Ditiro le dipolelo tša Mahunela

## Ga a na maitshwaro

 O ratana le Sarinki mola a tseba e le lekgarebe la morwa wa gagwe Benjamene.

## Ke motho wa maaka

- Sarinki o reketše Mahunela sellathekeng gomme Mahunela o re o itheketše o boa gape o re o se thwetše ge a botša Rebone.
- Mahunela o swaretše Rebone tšhelete ka morago o re e timetše.

## Ga a na maikarabelo

- O botša Jemina gore Rebone o swanetše a nyalwe gore a mo fokoletše mathata a ka lapeng.
- O re o tla fa motlabo wa gagwe tšhelete mola morwedi wa gagwe a hloka tšhelete ya go ya sekolong.
- O nyakela ngwana wa gagwe masogana. O re Rebone a nyalwe ke Mpoti gomme ge a gana o re a ye go Phaswane.

#### Ga a na botho

 O raka Modirelaleago Boreledi ka ga gagwe mola motho wa batho a be a tlile go mo thuša ka bokamoso bja Rebone.

## Ke ngame

- O na le tšhelete le dikgomo fela o gana go lefela morwedi wa gagwe tšhelete va dithuto.
- O bolawa ke leino o gana go išwa bookelong, o re a ka se fe ba bookelong tšhelete, go na le sehlare sa theko ya fase.
- Ngaka Thokgola o a mo alafa gomme Mahunela o gana go mo lefa.
- Ga a na kgodišo ye botse baneng ka ge a sa ba rekele dijo.

[25]

## 12.2 Babapadi ba bangwe ba reng ka yena

## Monna wa ngame le kgang

 Morutišigadi Kgoroši o mo hlaloša e le monna wa ngame ka ge bongame bja gagwe bo šiiša gobane o be a gana go rekiša dikgomo, o paletše le maphodisa ge a be a mmotšiša ka go timela ga tšhelete.

#### O na le matšhošetši

 Bopelompe bja gagwe bo hlatselwa ke Rebone ge a botša mmaneagwe Jemina, go re Mahunela o re ba ba mo utswetšago ge ba ka swarwa, ba tla ripša matsogo le maleme.

## 12.3 Leina la gagwe

• Leina le le sepelelana le ditiro tša gagwe ka ge a be a hunela tšhelete e le ngame, a sa nyake go reka selo ka lapeng le go iša morwedi sekolong.

## POTŠIŠO YA 13: O I PHIHLETŠENG? - LT Maphoso

### **SETSOPOLWA SA G**

- 13.1 'Sekolong'
  - 'Tšhelete'/'Go hlatswetša bagwera'. (2)
- 13.2 'Tšhego e hwile, Ngwanaka. Ke swere sešebo se se tlo go re tšea selemo se ka moka'. (1)
- 13.3 Bongame (1)
- O theilwe kgopolong e tee ya bongame.
  - Ga a gole ebile ga a fetošwe ke mabaka, o bile ngame go tloga mathomong a papadi go fihla a hlokofala.
- 13.5 Balekwa ba tla fa dikarabo tša go fapana.

Mohlala:

Khwelelo ke ge Majola a bolela a tloga segodišantšung a e ya ka ofising mola tšwelelo e le ge Mahunela a bolela le Majola a batamela segodišamantšu. (2)

13.6 Balekwa ba tla fa dikarabo tša go fapana.

Mohlala:

- Polelonoši e utolla maikutlo a Rebone a go kwa bohloko bja gore ge a šitwa ke go tšwetša dithuto tša gagwe pele o tlile go hlatswetša dithaka tša gagwe.
- Polelonoši e tšweletša semelo sa Rebone sa go rata thuto le go tseba bohlokwa bja yona.
- 13.7 Balekwa ba tla fa maikutlo a go fapana.

Mohlala:

Maikutlo a pefelo

- Ke befedišwa ke gore Mahunela ga a nyake go rwala maikarabelo a go iša Rebone sekolong, o nyaka go mo nyadiša gore yena a hwetše tšhelete.
- Ke befedišwa ke gore Mahunela ga a na taba le bokamoso bja Rebone.

(2)

## **SETSOPOLWA SA H**

13.8	<ul> <li>(Ka go tshwenyega)</li> <li>(Ka phegelelo)</li> <li>(Ka pelaelo)</li> </ul>	(2)
	(TŠE PEDI fela)	(2)
13.9	Ke dikgaetšedi/Benjamene ke mogolo wa Rebone/Ke bana ba motho.	(1)
13.10	Benjamene o rekišitše dikgomo tša Mahunela ka ge Mahunela a mo swarišitše a re ke yena a utswitšego tšhelete ya Rebone.	(1)
13.11	<ul> <li>Mantšu a Benjamene a go re motho yo a lefetšego Rebone sekolong ke yena a tšerego tšhelete ya Rebone.</li> <li>Mafelelong go utollwa gore molefeledi wa dithuto tša Rebone ke Sarinki yo e lego kgale a utswa tšhelete ya Mahunela.</li> </ul>	(2)
13.12	<ul> <li>Morero wa papadi ye o lebane le taba ya gore phegelelo e tswala katlego.</li> <li>Diteng tša papadi ye di lebane le Rebone yo a ilego a ba le mathata a go tšwetša dithuto tša gagwe pele yunibesithing ka ge tatagwe a be a gana go mo lefela fela o ile a phegelela mafelelong a be a tšwelela dithutong.</li> </ul>	(2)
13.13	Balekwa ba tla fa diponelopele tša go fapana.  Mohlala:  Rebone a ka no se fetše dithuto tša gagwe.  Rebone a ka nyaka ditsela tše dingwe tša go nyaka tšhelete ya dithuto.	(2)
13.14	<ul> <li>O paletšwe:</li> <li>Papading ye mongwadi o tšweleditše pulamadibogo mafelelong a kgaolo ye nngwe le ye nngwe</li> <li>Ga se a e tšweletša mathomong.</li> </ul>	(2) <b>[25]</b>

## POTŠIŠO YA 14: NAGA GA DI ETELANE - MS Serudu

#### Mohlala wa karabo:

#### Teori

Semelo sa mmapadi se lebane le maitshwaro a gagwe. Wo ke mokgwa wo mmapadi a tšwelelago ka wona papading. Semelo sa mmapadi se lemogwa ka dintlha tše di latelago:

- Ditiro le dipolelo t\u00e3a gagwe
- Babapadi ba bangwe ba reng ka yena.
- Leina la gagwe
- Mongwadi o reng ka yena.

#### Tirišo

Kahlaahlong ye go ya go hlokomelwa ditiro le dipolelo tša gagwe, babapadi ba bangwe ba reng ka Mphaka.

## Semelo sa Mphaka

## 14.1 Ditiro le dipolelo Mphaka

#### O na le lerato

 O rata lapa la gagwe. O gatelela gore lapa le swanetše go ipopa ngatana le rerišane mathata gore go se be le lenaba leo le ka tsenago ka bogare.

## O na le tlhompho

 O bolediša mogatšagwe ka tlhompho. Le ge mogatšagwe a befetšwe, o mmolediša gabotse. Mphaka o re '... tlogela ditshele hle, Naswana ya ka.'

### O bogale

 Ga a tšhabe go botša Rola le Kala gore ke ditlaela. O a ba fotlela ge ba mmotša ka dithuto tša gagwe.

## O rata toka le nnete

- Ge Sebola a fošitše o a mo kgala, ga a mo emelele. O mo laetša tsela ya nnete.
- O re a ka up
  še a ralala le dilete go fihla a hwet
  ša mo go nago le toka le nnete.

## 14.2 Babapadi ba bangwe ba reng ka yena

## O na le boikgafo mošomong

- Tokari o re Mphaka o na le mahlahla le boikgafo mošomong wa gagwe mola Rola le Kala le bona ba re Mphaka ke lekgoba mošomong.
- Nkono o tiišetša boikgafo bja Mphaka mošomong ge a re nkabe bafaladi ka moka ba ikgafela medirong ya bona bjalo ka yena, ga a kgolwe gore ba be ba tla kgethollwa.

## 14.3 Leina la gagwe

 Ke Mphaka, o bogale bjalo ka mphaka ntlhengkemo ya gagwe ya go lwela toka le nnete.

## POTŠIŠO YA 15: NAGA GA DI ETELANE - MS Serudu

## **SETSOPOLWA SA I**

15.1	<ul><li> 'Mookamedi wa thuto'</li><li> 'Tšhipi e a lla'.</li></ul>	(2)
15.2	'Ke lekile ka mešogofela go tšweletša ditšhišinyo le dikgopolo tša ka tšeo ke bego ke hutša gore di tla kaonafatša tikologo ye ke paletšwe'.	(1)
15.3	Lerato la tlhabologo.	(1)
15.4	<ul> <li>O theilwe kgopolong e tee ya go rata, go hlompha le go thekga monna wa gagwe Mphaka.</li> <li>Ga a gole ebile ga a fetošwe ke maemo, o dira tše monna wa gagwe a rego ba di dire.</li> </ul>	(2)
15.5	<ul> <li>Mphaka o filwe lengwalo la go mo lebogiša mošomo mme gwa thwalwa ngwana wa mobu.</li> <li>Mphaka o tšea sephetho sa go boela gae Bonwatau.</li> </ul>	(2)
15.6	<ul> <li>Balekwa ba tla fa dikarabo tša go fapana.</li> <li>Mohlala:</li> <li>Polelonoši e tšweletša moya wa kgakanego mabapi le taba ya mmagwe ya gore a tliše bana gae.</li> <li>Polelonoši e utolla maikutlo a Mphaka a letšhogo la gore ge a ka boela gae o tlo hlagelwa ke eng (A ka išwa kgolegong goba a bolawa).</li> </ul>	(2)
15.7	<ul> <li>Balekwa ba tla fa maikutlo a go fapana.</li> <li>Mohlala:</li> <li>Maikutlo a go kwa bohloko</li> <li>Ke kwešwa bohloko ke gore go na le gore batho ba lebelele dilo tše dibotse tše di dirwago ke Mphaka, bona ba lebelela gore o tšwa kae.</li> <li>Ke kwešwa bohloko ke gore Mphaka o tlošwa maemong a gagwe ka gore e le mofaladi gomme a fiwa ngwana wa mobu.</li> </ul>	(3)
SETSO	POLWA SA J	
15.8	15.8.1 • (O nolegile moko) / (O swabile) 15.8.2 • (Ba homola sebakanyana ba lebelelane)	(1) (1)
15.9	Bašomimmogo	(1)
15.10	<ul> <li>Mphaka o rometše mookamedi wa thuto ditšhišinyo tše difsa tša lenaneothuto fela ga a hwetše phetolo.</li> <li>GOBA</li> </ul>	
	<ul> <li>Tokari o boditše Mphaka gore ditšhišinyo tša gagwe o ka re di tla lewa ke tshwele.</li> </ul>	(1)

- Polelo ya Tokari ya gore ditšhišinyo tša Mphaka o ka re di tla lewa ke tshwele.
  - Ditšhišinyo tša Mphaka mafelelong ga se tša ka tša tšeelwa hlogong. (2)
- Morero wa papadi ye o lebane le taba ya gore motse wa monna yo mongwe ga o na boroko.
  - Diteng tša papadi ye di mabapi le Mphaka yo a falaletšego dinageng tše dingwe ka lehutšo la go hwetša khutšo fela gwa se be bjalo go fihlela a tšea sephetho sa go boela gae Bonwatau.
- 15.13 Balekwa ba tla fa diponelopele tša go fapana.

Mohlala:

- Mphaka a ka kgotlelela go šoma.
- Mphaka a ka ngala gomme a nyaka mošomo diyunibesithing tše dingwe.
- 15.14 Balekwa ba tla fa dikarabo tša go fapana.

Mohlala:

Mongwadi o atlegile.

- Re le babadi re tseba gore Otše, Letsota le Ntlhore ba rera go hlola poso ya ka godimo ga ya Mphaka le go e fa ngwana yo a rutilwego ke Mphaka mola Mphaka a sa tsebe.
- Re le babadi re a tseba gore Otše, Ntlhore le Letsota ba rera go oketša mengwaga ya go fa bafaladi ditshwanelo tša go ba badudi ba selete ka ye mebedi mola Mphaka a sa tsebe a makatšwa ke go se hwetše lengwalo la tokelo ya go ba modudi wa selete.

(2)

(2)

(2)

[25]

## POTŠIŠO YA 16: LEHUFA – P Mothupi

#### Mohlala wa karabo:

#### Teori

Semelo sa mmapadi se lebane le maitshwaro a gagwe. Wo ke mokgwa wo mmapadi a tšwelelago ka wona papading. Semelo sa mmapadi se lemogwa ka dintlha tše di latelago:

- Ditiro le dipolelo t\u00e3a gagwe
- Babapadi ba bangwe ba reng ka yena.
- Leina la gagwe
- Mongwadi o reng ka yena.

#### Tirišo

Kahlaahlong ye go ya go hlokomelwa ditiro le dipolelo tša gagwe, babapadi ba bangwe ba reng ka Radithekisi.

#### Semelo sa Radithekisi

## 16.1 Ditiro le dipolelo tša Radithekisi

## O na le lenyatšo

- O bitša mosadi wa gagwe mosatšana.
- O botša Lerato gore mahlo a gagwe ke a matala, ebile megokgonyana ya gagwe ga e mo tšhoše.
- O nyatša kereke o re ke kerekana o bile o ntšha Lerato ka kerekeng go rapelwa.
- O roga Lerato pele ga mmagwe.

## O na le lehufa

- O re Lerato o eta a robalana le banna.
- O re Lerato o be a elwa le mosadi yo mongwe ba baka banna.
- O re Lerato ge a eya kerekeng o ela banna.
- O re Lerato o reka diaparo t\u00e3a ka gare t\u00e3a go bit\u00e3a ma\u00e3eleng a godimo gore a
  ete a bont\u00e3ha banna.
- Ge Lerato a boa mošomong a mo dumediša, o mo fetola ka mahlapa, o re mmalegogwana tena, molomo wa go nkga, moitshwarahlephi, bj.bj.
- O betha mosadi ge a ekwa boLeepo ba re ba mmone a na le monna yo mongwe toropong ebile Lerato o išwa bookelong.

## O na le pelo ye mpe

- O rile go kwa Leepo a re Tsarane o thuntšhitšwe ke maphodisa a fela a re ba boele lefelong la kotsi go yo tšea sefatanaga sa gagwe.
- O robatša Lerato ka letangwaneng la go tuntela bošego ka moka.

#### Ga a na šedi/tlhokomelo

Kgwebo ya gagwe ya dithekisi e a phuhlama ka ge a sa e hlokomele.

## 16.2 Babapadi ba bangwe ba reng ka yena

#### O fenywa ke lehufa

Lerato o botša Ntshepe ka mo Radithekisi a fenywago ke lehufa ka gona.

## 16.3 Leina la gagwe

Leina la gagwe ga le sepelelane le semelo sa gagwe.

[25]

## POTŠIŠO YA 17: *LEHUFA* – P Mothupi

## SETSOPOLWA SA K

17.1	<ul> <li>'Mooki'</li> <li>'Morutiši'</li> <li>'Bookelong'</li> <li>'Koloyana ya dihlare'</li> <li>'A nthuta sekolong'</li> <li>'Go tšwa dijong'. (TŠE PEDI fela)</li> </ul>	(2)
17.2	'Ke bolaelwa go ya dijong le morutiši wa ka yo a ilego a nthuta sekolong'.	(1)
17.3	Lehufa	(1)
17.4	<ul> <li>Lerato o bopilwe kgopolong e tee ya lerato le botshephegi.</li> <li>Ga a gole ebile ga a fetoge le go fetošwa ke maemo, o tšwetše pele a rata Radithekisi le ge a be a mo tlaiša.</li> </ul>	(2)
17.5	<ul> <li>Radithekisi o amogelwa bookelong ka morago ga go leka go ipolaya ka sethunya.</li> <li>Radithekisi o kgopela tshwarelo go Ntshepe le Lerato gomme ba mo swarela.</li> </ul>	(2)
17.6	<ul> <li>E tšweletša Radithekisi e le motho wa lenyatšo ka ge a re Lerato ke mosatšana/moitshwarahlephi.</li> <li>E tšweletša maikutlo a Radithekisi a pefelo le lehufa ka ge a re Lerato o ile banneng.</li> <li>E gapa nako ya gore babapadi ba itokišetše temana ya go latela.</li> </ul>	(2)
17.7	<ul> <li>Balekwa ba tla fa maikutlo a go fapana.</li> <li>Mohlala:</li> <li>Maikutlo a pefelo</li> <li>Ke befedišwa ke gore Radithekisi ke yena a bego a swanetše go šireletša Lerato eupša o a mo hloriša.</li> <li>Ke befedišwa ke gore Lerato o bolaelwa gore o ratana le Ntshepe eupša go se bjalo.</li> </ul>	(3)

## SETSOPOLWA SA L

17.8	<ul><li>(O rothiša megokgo)</li><li>(O mo tsena ganong ka bogale)</li></ul>	
	<ul> <li>(O a emelela o tšama a phankganya matsogo a etšwa)</li> <li>(Ka tlabego)</li> <li>(TŠE PEDI fela)</li> </ul>	(2)
17.9	Tsarane ke mošomedi wa Radithekisi.	(1)
17.10	Lerato o lemoga gore o rata Ntshepe eupša o nyaka go boledišana le Radithekisi pele a tšea sephetho ka Ntshepe.	(1)
17.11	Balekwa ba tla fa dikarabo tša go fapana. Mohlala:	
	<ul> <li>Mantšu a Lerato a go re 'Ga ke nyake gore ka moso o tle o re nna ke be ke sa boledišana le wena'.</li> </ul>	
	Mafelelong Lerato o hlala Radithekisi.	(2)
17.12	<ul> <li>Morero wa papadi ye o lebane le taba ya gore lehufa le thuba motse.</li> <li>Diteng tša papadi ye di mabapi le lehufa leo Radithekisi a bego a na le lona go mosadi wa gagwe, e lego Lerato gomme la feleletša le mo</li> </ul>	
	thubetše motse.	(2)
17.13	Balekwa ba tla fa diponelopele tša go fapana. Mohlala:	
	<ul> <li>Radithekisi a ka ipona phošo ditirong tša gagwe gomme a thoma go phedišana le Lerato gabotse.</li> </ul>	
	<ul> <li>Lerato a ka kgotlelela lenyalong la bona go fihla ba arogantšhwa ke lehu.</li> </ul>	(2)
17.14	Balekwa ba tla fa dikarabo tša go fapana.  Mohlala:  Mangwadi o otlogila	
	<ul> <li>Mongwadi o atlegile.</li> <li>Babadi ba be ba tseba gore Tsarane le Leepo ba ja Lerato le Ntshepe</li> </ul>	
	<ul> <li>leonyane mola bona ba sa tsebe.</li> <li>Babadi ba be ba tseba gore Radithekisi o rera go bolaya Ntshepe mola</li> </ul>	
	<ul> <li>Ntshepe a sa tsebe.</li> <li>Babadi ba be ba tseba gore Leepo le Tsarane ba emetše Ntshepe ka ntlenyana ga kholetše ya Mamokgalake Chuene mola Ntshepe a sa</li> </ul>	
	tsebe. (TŠE PEDI fela)	(2) <b>[25]</b>
	PALOMOKA YA KAROLO YA C	25

80

PALOMOKA YA TLHAHLOBO:

## KAROLO YA A: RUBRIKI YA GO SWAYA DIPOTŠIŠO TŠE TELELE: THETO [MEPUTŠO YE 10]

Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
	5–6	4	3	2	1
DITENG	-Tlhalošo ye e	-Kwešišo le tlhalošo ye	-Tlhalošo ye e	-Tlhalošo ya sererwa ga e	-Ga go kwešišo ya
	tseneletšego ya sererwa.	botse ya sererwa.	kgotsofatšago ya	kgotsofatše.	sererwa.
Tlhalošo ya sererwa.	-Tatelano ya dikgopolo	-Potšišo e arabilwe ka	sererwa.	-Ga go dintlha tšeo di	-Karabo ga e sepelelane
Botebo bja dikgopolo,	tša go ba le	botlalo.	-Go na le dintlha di se kae	amanago le sererwa.	le sereto.
kgonthišišo le kwešišo ya	maatlakgogedi tša go	-Dikgopolo tšeo di filwego	tšeo di amanago le	-Ga go kwešišo ya	-Morutwana ga a tsebe
setšweletšwa	amana thwii le sererwa.	di a kwagala eupša ga se	sererwa.	sengwalo le sereto.	selo ka ga sengwalo le
	-Kwešišo ye e	tšona ka moka tšeo di	-Tše dingwe tša dikgopolo		sereto.
	tseneletšego ya sengwalo	hlalošitšwego ka mo go	di a kwagala eupša ga di		
	le sereto.	nyakegago.	kgodiše.		
DUTO 2 VE 0		-Kwešišo ya sengwalo le	-Kwešišo ya motheo ya		
PUTSO YE 6		sereto e bonetše.	sengwalo le sereto.	-	_
	4	3	2	1	0
SEBOPEGO LE	-Sebopego se tšweletša	-Sebopego se tšwelela	-Sebopego se a tšwelela.	-Sebopego se bontšha	-Sebopego ga se sa
POLELO	tlemagano ya dikgopolo	gabotse ebile se	-Taodišo ga e na kelelo	diphošo tša peakanyo.	maleba.
<b>1</b>	ye botsebotse.	tšweletša go ela ga	ye botse ya dintlha ebile	-Dikgopolo ga se tša	-Diphošo tša polelo ke tše
Sebopego, kelelo le kalo	-Dikgopolo di hlamegile	dikgopolo.	ga go tlemagano ya	beakanywa ka tatelano ye	ntšintši ebile le setaele se
ya dikgopolo	ebile di tšweleditšwe ka	-Kelelo ye botse ya	dikgopolo.	botse.	fošagetše kudu.
Polelo, segalo le setaele	bokgwari.	dikgopolo.	-Diphošo tša polelo ke tše	-Diphošo tša polelo ke tše	
tšeo di dirišitšwego ge go	-Polelo, segalo le setaele	-Polelo, segalo le setaele	nnyane eupša segalo le	ntši.	
ngwalo taodišo	di a kgahliša, ke tša	ke tša maleba.	setaele ke tša maleba.	-Segalo le setaele di	
	maleba, tša go hlohla			fošagetše.	
	mabjoko.				
	-Go nyakile go se na le				
MEPUTSO YE 4	phošwana le e tee ya				
WILFUISO IE 4	popopolelo, mopeleto le				
	maswaodikga.				

Tokelo ya ngwalollo e ileditšwe Phetla

# KAROLO YA B LE C: RUBRIKI YA GO SWAYA DIPOTŠIŠO TŠE TELELE – PADI, KANEGELOTŠHABA LE PAPADI [MEPUTSO YE 25]

Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
	12–15	9–11	6–8	4–5	0–3
DITENG	-Karabo ye botsebotse	-Kwešišo le tlhalošo ye	-Kwešišo ya magareng ya	-Kwešišo ye nnyane ya	-Ga go kwešišo ya sererwa.
	go fetiša: 14–15.	botse ya sererwa.	sererwa eupša	sererwa.	-Maiteko a go araba potšišo
Tlhalošo ya sererwa	-Karabo ye botsebotse:	-Potšišo e arabilwe ka	ga se dintlha ka moka	-Ga go dintlha tšeo di	a fokola kudu.
Botebo bja dikgopolo,	12–13.	botlalo.	tšeo di hlalošwago ka	hlalošwago ka botlalo.	-Ditlhalošo ga di
kgonthišišo le kwešišo ya	-Tlhalošo ye e	-Dikgopolo tšeo di filwego	botlalo.	-Dintlha tše nnyane di	kgotsofatše.
setšweletšwa	tseneletšego ya	di a kwagala eupša ga se	-Bontši bja dintlha di	amana le sererwa.	-Morutwana ga a tsebe
	sererwa.	tšona ka moka tšeo di	amana le sererwa.	-Tlhalošo e amana	sengwalo goba
	-Tatelano ya dikgopolo	hlalošitšwego ka mo go	-Tše dingwe tša	gannyane le sererwa.	setšweletšwa
	tša go ba le	nyakegago.	dikgopolo di a kwagala	-Kwešišo ye nnyane ya	
	maatlakgogedi tša go	-Kwešišo ya sengwalo le	eupša ga di kgodiše.	sengwalo le	
	amana thwii le temana.	setšweletšwa e a bonala.	-Kwešišo ya motheo ya	setšweletšwa.	
MEPUTSO YE 15	-Kwešišo ye botsebotse		sengwalo le		
	ya sengwalo le		setšweletšwa.		
	setšweletšwa.				
	8–10	6–7	4–5	2–3	0–1
SEBOPEGO LE	-Sebopego se tšweletša	-Sebopego se tšwelela	-Sebopego se a tšwelela.	-Sebopego se bontšha	-Tlhokego ya peakanyo ye
POLELO	tlemagano ya dikgopolo	gabotse ebile se	-Peakanyo le tlemagano	diphošo tša peakanyo.	botse ya sebopego e dira
	ye botsebotse.	tšweletša go ela ga	ya dikgopolo e gona	-Dikgopolo ga se tša	gore dikgopolo di se elele
Sebopego, kelelo le kalo	-Matseno le mafetšo ke	dikgopolo.	eupša e na le mafokodi.	bewa ka tshwanelo.	gabotse.
ya dikgopolo	a mabotse kudukudu.	-Go na le tlemagano ye	-Diphošo tša polelo ke tše	-Diphošo tša polelo ke tše	-Diphošo tša polelo le
Polelo, segalo le setaele	-Dikgopolo di hlamegile	botse magareng ga	nnyane eupša segalo le	ntši.	setaele sa go fošagala di
tšeo di dirišitšwego ge go	ebile di tšweleditšwe ka	matseno, mafetšo le	setaele ke tša maleba.	-Segalo le setaele ga se	dira gore go be bothata go
ngwalwa taodišo	bokgwari.	ditemana tše dingwe tša	-Peakanyo ya ditemana	tša maleba.	bala le go kwešiša molaetša
	-Polelo, segalo le	taodišo yeo.	ke ya maleba.	-Peakanyo ya ditemana e	wa taodišo.
	setaele di a kgahliša, ke	-Kelelo ye botse ya		fošagetše.	-Segalo le setaele di
	tša maleba, tša go	dikgopolo.			fošagetše kudu
MEPUTSO YE 10	hlohla mabjoko.	-Polelo, segalo le setaele			-Peakanyo ya ditemana e
		ke tša maleba.			fošagetše kudu.